



AN COIMISIÚN EORPACH

An Bhruiséil, 20.6.2012

COM(2012) 329 final

2012/0159 (COD)

Togra le haghaidh

RIALACHÁIN Ó PHARLAIMINT NA hEORPA AGUS ÓN gCOMHAIRLE

**lena leasaítear Rialachán (CE) Uimh. 1085/2006 ón gComhairle lena mbunaítear
Ionstraim um Chúnamh Réamhaontachais (IPA)**

MEABHRÁN MÍNIÚCHÁIN

1. CÚLRA

D'fhormhuinigh an Chomhairle Eorpach ar an 1-2 Márta 2012 conclúidí na Comhairle ón 28 Feabhra 2012 maidir le méadú agus an Próiseas Cobhsaíochta agus Comhlachais agus chomhaontaigh sí stádas tíre is iarrthóir a dheonú don tSeirbia.

Dá bhrí sin, molann an Coimisiún don Chomhairle agus don Pharlaimint Rialachán (CE) Uimh. 1085/2006 ón gComhairle an 17 Iúil 2006 lena mbunaítear Ionstraim um Chúnamh Réamhaontachais (IPA)¹ a leasú d'fhonn an tSeirbia a aistriú ó liosta na dtíortha is iarrthóirí ionchasacha (Iarscríbhinn II) go liosta na dtíortha is iarrthóirí (Iarscríbhinn I).

Forálacha atá ann faoi láthair a bhaineann leis an togra

Rialachán (AE) Uimh. 540/2010 ó Pharlaimint na hEorpa agus ón gComhairle an 16 Meitheamh 2010² agus Rialachán (CE) Uimh. 153/2012 ó Pharlaimint na hEorpa agus ón gComhairle an 15 Feabhra 2012³, rialacháin lena leasaítear Rialachán (CE) Uimh. 1085/2006 ón gComhairle an 17 Iúil 2006 lena mbunaítear Ionstraim um Chúnamh Réamhaontachais (IPA).

2. COMHAIRLIÚCHÁN LE PÁIRTITHE LEASMHARA AGUS SAINEOLAS A BHAILIÚ AGUS A ÚSÁID

Rinne an Coimisiún comhairliúchán inmheánach. Ní raibh aon ghá le saineolas seachtrach.

Measúnú tionchair

Níl infheidhme.

3. EILIMINTÍ DLÍ AN TOGRA

Achoimre ar an ngníomhaíocht atá beartaithe: leasú amháin ar Rialachán (CE) Uimh. 1085/2006 ón gComhairle an 17 Iúil 2006 lena mbunaítear Ionstraim um Chúnamh Réamhaontachais (IPA).

Déanfar an tSeirbia a aistriú ó liosta na dtíortha is iarrthóirí ionchasacha (Iarscríbhinn II) go liosta na dtíortha is iarrthóirí (Iarscríbhinn I), tar éis chinneadh na Comhairle Eorpaí an 1-2 Márta 2012.

Bunús dlí

Airteagal 212(2) den **Chonradh ar Fheidhmiú an Aontais Eorpaigh**.

¹ IO L 210, 31.7.2006, lch. 82.

² IO L 158, 24.6.2010, lch. 7.

³ IO L 58, 29.2.2012, lch. 1.

Prionsabal na coimhdeachta

Níl infheidhme.

Prionsabal na comhréireachta

Níl infheidhme.

Rogha ionstraimí

An ionstraim atá beartaithe: leasú ar an Rialachán ón gComhairle. Ní bheadh modhanna eile leormhaith ar an gcúis seo a leanas: ní mór Rialachán a leasú le Rialachán eile.

4. IMPLEACHTAÍ BUISÉADACHA

Ní bhaineann aon chaiteachas breise leis an mbeart seo.

5. BREIS FAISNÉISE

Simpliú

Níl infheidhme.

Togra le haghaidh

RIALACHÁIN Ó PHARLAIMINT NA hEORPA AGUS ÓN gCOMHAIRLE

**lena leasaítear Rialachán (CE) Uimh. 1085/2006 ón gComhairle lena mbunaítear
Ionstraim um Chúnamh Réamhaontachais (IPA)**

TÁ PARLAIMINT NA hEORPA AGUS COMHAIRLE AN AONTAIS EORPAIGH

Ag féachaint don Chonradh ar Fheidhmiú an Aontais Eorpaigh agus go háirithe Airteagal 212(2) de,

Ag féachaint don togra ón gCoimisiún Eorpach¹,

Tar éis dóibh an dréachtghníomh reachtach a chur chuig na parlaimintí náisiúnta,

Ag gníomhú dóibh i gcomhréir leis an ngnáthnós imeachta reachtach,

De bharr an méid seo a leanas:

- (1) Le Rialachán (CE) Uimh. 1085/2006 ón gComhairle an 17 Iúil 2006 lena mbunaítear Ionstraim um Chúnamh Réamhaontachais (IPA)², déantar foráil maidir le cúnamh do thíortha is iarrthóirí agus do thíortha is iarrthóirí ionchasacha agus iad ag teacht de réir a chéile le caighdeáin agus le beartaí an Aontais, lena n-áirítear, i gcás inarb iomchuí, leis an *acquis*, d'fhonn comhaltas a bhaint amach.
- (2) Déantar idirdhealú follasach i Rialachán (CE) Uimh. 1085/2006 idir tíortha is iarrthóirí agus tíortha is iarrthóirí ionchasacha.
- (3) D'fhormhuinigh an Chomhairle Eorpach an 1-2 Márta 2012 conclúidí na Comhairle ón 28 Feabhra 2012 maidir le méadú agus an Próiseas Cobhsaíochta agus Comhlachais agus chomhaontaigh sí stádas tíre is iarrthóir a dheonú don tSeirbia.
- (4) Dá bhrí sin, ba cheart Rialachán (CE) Uimh. 1085/2006 a leasú dá réir,

TAR ÉIS AN RIALACHÁN SEO A GHLACADH:

Airteagal 1

Leasaítear Rialachán (CE) Uimh. 1085/2006 mar seo a leanas:

¹ IO C , , lch. .

² IO L 210, 31.7.2006, lch. 82

- (1) In Iarscríbhinn I, cuirtear an iontráil seo a leanas isteach i ndiaidh na hiontrála maidir le Montainéagró:

"— an tSeirbia".

- (2) In Iarscríbhinn II, an iontráil: in ionad "— an tSeirbia, lena n-áirítear an Chosaiv ⁽¹⁾ [⁽¹⁾ Mar a shainítear in UNSCR 1244]", cuirtear an méid seo a leanas:

"— an Chosaiv*[*Tá an t-ainmniú seo gan dochar do sheasaimh maidir le stádas, agus tá sé ag teacht le UNSCR 1244 agus le Tuairim an CBI maidir le dearbhú neamhspleáchais na Cosaive."].

Airteagal 2

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus infheidhme go díreach i ngach Ballstát.

Arna dhéanamh sa Bhruiséil,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán